



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-02-05-666-1/19
Sarajevo, 15.02.2019. godine

SKUPŠTINA KANTONA SARAJEVO
- ovdje-

n/r predsjedavajućeg

PREDMET: Odgovor na zastupničko pitanje zastupnika Zvonke Marića vezano za rad Komisije za javno-privatno partnerstvo koje glasi:

“Molim da mi se dostavi kratki izvještaj o radu Komisije za javno-privatno partnerstvo, da li je bilo realizovanih projekata javno-privatnog partnerstva i koji su, kolike su mjesečne i druge eventualne naknade članova komisije, koliko članova ima komisija, koliko je ukupno javnih sredstava potrošeno na rad iste. Molim također imena svih članova Komisije za JPP, njihova zanimanja kao i mjesto stalnog zaposlenja svakog člana komisije”.

Vezano za Vaš akt br. 01-05-666-57/19 od 25.01.2019. godine, kojeg je Stručna služba Vlade dostavila Ministarstvu privrede aktom br. 16-05-666-57/19 od 31.01.2019. godine, a kojim se traži odgovor na pitanje zastupnika Zvonke Marića vezano za rad Komisije za javno-privatno partnerstvo Ministarstvo privrede daje sljedeći odgovor:

Komisija za javno-privatno partnerstvo (u daljem tekstu: Komisija) formirana je Rješenjem Vlade Kantona Sarajevo br. 02-05-25774-12/17 od 17.08.2017. godine i to u sljedećem sastavu:

1. Prof. dr. Muamer Halilbašić, Ekonomski fakultet Univerziteta u Sarajevu, ispred akademske zajednice;
2. Samir Sofo, stručni savjetnik za normativno-prave poslove i predstavnik Ministarstva privrede;
3. Adnan Begić, pomoćnik ministra za pravne, ekonomsko-finansijske poslove i investicije i predstavnik Ministarstva komunalne privrede i infrastrukture;
4. mr. sci. Azemina Njuhović, pomoćnik ministra za informatizaciju, međunarodnu saradnju i evropske integracije i predstavnik Ministarstva za obrazovanje, nauku i mlade;



5. mr. sci. Tarik Bašović, stručni savjetnik za sigurnost saobraćaja i predstavnik Ministarstva saobraćaja;
6. Zahid Pita, stručni savjetnik za upravljanje i realizaciju projekata i nadzor u stambenoj oblasti s aspekta tehničkih instalacija i predstavnik Ministarstva prostornog uređenja, građenja i zaštite okoliša, član, i
7. Alen Katović, pomoćnik ministra za pravne i finansijsko-ekonomske poslove i predstavnik Ministarstva zdravstva.

Za sekretara Komisije izabran je Zlatan Mujak, stručni savjetnik za investicije i projekte u Ministarstvu privrede.

Tačkom VI. Rješenja o formiranju Komisije je propisano da se Komisija sastaje najmanje jednom mjesečno i to izvan radnog vremena.

Članom 25. Zakona o javno-privatnom partnerstvu ("Službene novine Kantona Sarajevo", br. 27/11 i 16/17) (u daljem tekstu: Zakona) propisano je da se sredstva za rad i obavljanje poslova iz djelokruga Komisije osiguravaju iz budžeta Kantona, da Komisiji pripada naknada koju na prijedlog Ministarstva privrede određuje Vlada, te da će Vlada osigurati sredstva za rad i ostvarivanje nadležnosti Komisije iz budžeta Kantona na posebnoj poziciji Ministarstva privrede.

S tim u vezi Vlada Kantona Sarajevo donijela je Odluku br. 02-05-26510-4/17 od 30.08.2017. godine kojom je utvrđena visina neto mjesečne naknade od 350 KM članovima Komisije, te 200 KM sekretaru Komisije. Vlada je također, donijela Odluku br. 02-05-11332/11/18 od 14.03.2018. godine kojom je utvrdila identične iznose naknada.

Na ime naknada za rad Komisije u 2017. godini ukupno je isplaćeno 13.057,52 KM (za četiri mjeseca rada Komisije), od čega je iznos od 10.600,00 KM neto mjesečna naknada, a razlika od 2.457,52 KM doprinosi i porezi. U 2018. godini isplaćeno je ukupno 39.172,56 KM, od kojih su 31.800,00 KM neto naknade, a 7.372,56 KM su pripadajući porezi i doprinosi.

Komisija je za vrijeme trajanja svog mandata obavljala poslove iz svoje nadležnosti propisane članom 24. Zakona, što između ostalog uključuje i provođenje postupaka ocjene i odobravanja prijedloga projekata JPP-a, dokumentacije za nadmetanje, te prijedloga ugovora u skladu s odredbama Zakona. **Treba napomenuti da prema Zakonu, Komisija nije nadležna za predlaganje projekata JPP-a, već samo za njihovu ocjenu i odobravanje.** S tim u vezi Komisija je formalno, u toku 2017. godine, zaprimila tri projektna prijedloga i to:

1. Prijedlog projekta JPP-a Općine Stari Grad Sarajevo "Izgradnja javne podzemne garaže u ulici Avdage Šahinagića";
2. Prijedlog projekta JPP-a Grada Sarajeva "Hotel Vidikovac na Trebeviću";
3. Prijedlog projekta JPP-a Ministarstva komunalne privrede i infrastrukture Kantona Sarajevo "Zamjena i ugradnja 'led' svjetiljki i sistema upravljanja javnom rasvjetom na području Kantona Sarajevo".

Kada su u pitanju prvi i drugi prijedlog projekta Komisija je javnim tijelima dostavila zahtjeve za dopunu projektnih prijedloga, na koje se javna tijela nisu očitovala. Vezano za projekat Ministarstva komunalne privrede i infrastrukture Komisija je u skladu sa pozitivnim zakonskim propisima, a na osnovu analize projektnog prijedloga i zahtijevanih dopuna donijela Odluku o odobravanju provedbe predloženog projekta JPP-a, te Odluku kojom se potvrđuje usklađenost dokumentacije za nadmetanje sa odobrenim projektom.

Na osnovu Odluke o usklađenosti dokumentacije za nadmetanje, Ministarstvo komunalne privrede i infrastrukture je objavilo javni poziv za izbor privatnog partnera za



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



predmetni projekat dana 09.02.2018. godine, ali je Odlukom br. 27-05-22225/18 od 17.05.2018. godine isto Ministarstvo poništilo postupak izbora privatnog partnera, bez posebnog obrazloženja.

Također, Ministarstvo privrede je, u skladu sa Uredbom o educiranju učesnika u postupcima pripreme i provedbe projekata JPP-a, na prijedlog i uz smjernice Komisije, na ime općeg programa edukacije za 31 učesnika, odnosno službenika organa uprave Kantona Sarajevo (ministarstva i općine) u oblasti JPP-a, utrošilo sredstva u iznosu od 7.020,00 KM. Time je sa neto naknadama od 31.800,00 KM i doprinosima od 7.372,56 KM za 2018. godinu, ukupno utrošeno 46.192,56 KM.

U narednom periodu potrebno je provesti opći program educiranja i za javna preduzeća i ostale potencijalne javne partnere u Kantonu Sarajevo, kao i provesti složeni (napredni) program educiranja iz člana 4. stav (2) tačka b) Uredbe za učesnike prethodno provedene edukacije koji su dobili potvrdu, te sektorski program educiranja iz člana 4. stav (2) tačka c) iste Uredbe, za one učesnike koji uspješno završe složeni (napredni) program educiranja. Ove edukacije potrebno je izvršiti radi provedbe postojećeg podzakonskog propisa, ali i radi nužnosti povećanja kapaciteta državnih službenika u oblasti javno-privatnog partnerstva, bez čega nije moguće očekivati nove projektne prijedloge koji će Komisiji biti upućeni na evaluaciju.

Napominjemo, da će u skladu sa članom 27. stav (2) Zakona, Vladi Kantona Sarajevo biti dostavljen detaljan godišnji izvještaj o radu Komisije za 2018. godinu.

S poštovanjem,

MINISTAR
mr. sci. Haris Bašić

Dostaviti:

- Naslovu
- Evidencija
- Arhiva



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

